

活人慈航

甘肅省圖書館
藏書

不舉皆屬溼。經云土太過曰敦阜之紀。其病腹滿。下股不

舉。

筋

十二經筋起止具詳內經。準繩經筋之病。寒則反折。筋急

熱則筋弛縱不收。陰痿不用。足之陽明手之太陽筋急

則口目為僻。皆急不能卒視。形樂志苦。病生於筋。治之

以熨。引如後法。諸筋病皆屬於節。經云諸筋者皆屬於

節。手屈而不伸者。病在筋。肝主諸筋。經云肝主筋。在臟

為肝。在體為筋。酸生肝。肝生筋。筋生心。筋病忌風。忌食

酸辛。忌久行。經云風傷筋。燥勝風。酸傷筋。辛勝酸。酸走筋

筋病無多食酸。多食辛則筋急而爪枯。久行傷筋。

轉

筋。經云足太陽之下。血氣皆少。則善轉筋。踵下痛。丹

溪云轉筋皆屬血熱。四物加黃芩。紅花。蒼朮。南星。有筋轉

筋

七十六

七十六

七十六



於足大指轉上至大腿近腰結了乃因奉養厚飲酒感寒而作加黃芩蒼朮紅花南星薑煎服仲師云轉筋之為病其臂腳直脉上下行微弦轉筋入腹者雞矢白散主之用雞矢白一味為散取方寸匙以水和溫服孫向藥治脚轉筋疼痛攣急用松節二兩細剉如米粒乳香一錢石件藥慢火炒令焦只留一分性出火毒研細每服一錢至二錢木瓜酒調服同是筋病皆治之外臺治轉筋取故綿以醪醕浸甑中蒸極熟用綿裹病人脚令更易勿停瘥止丹溪云轉遍身入肚不忍者作極醎鹽湯於槽中暖浸之霍亂轉筋已見霍亂門此謂不霍亂而筋自轉

骨

準繩腎主骨在體為骨在臟為腎又云腎之合骨也其榮髮也又少陰者冬脉也伏行而濡骨髓者也骨病忌食甘

苦經云多食甘則骨痛而髮落苦走骨骨病無多食苦久
立傷骨骨病不屈經云屈而不伸者病在筋伸而不屈
者病在骨在骨守骨在筋守筋骨度具詳內經

肉

脾主肉經云脾主肉在體為肉在臟為脾邪在脾胃則病肌
肉痛脾病在谿經云北方黑色入通於腎故病在谿谿
者肉之小會也肉之大會為谷肉之小會為谿肉分之間
谿谷之會以行榮衛以會大氣邪溢氣壅脉熱肉敗榮衛
不行必將為膿肉消骨髓外破大腠留於節湊必將為敗
積寒留舍榮衛不居卷肉縮筋肘肘不得伸內為骨痺外
為不仁命曰不足大寒留於谿谷也谿谷三百六十五穴
會亦應一歲其小痺淫溢循脉往來微針所及與法相同
形樂志樂病生於肉治之以針石淫傷肉甘傷肉經

云溼傷肉風勝溼甘傷肉酸勝甘甘走肉肉病無多食甘多食酸則肉胝脇而胥揭坐樂傷肉經云久坐傷肉形樂志樂病生於肉治之以針石

皮膚

皮有分部詳內經 皮膚屬肺經云肺之合皮也其榮毛也肺主皮毛在臟為肺在體為皮毛毛折爪枯為手太陰絕經云手太陰者行氣溫於皮毛者也氣不榮則皮毛焦皮毛焦則津液去皮絕者津液既去則爪枯毛折毛折者毛先死

皮膚痛屬心實經云夏脉者心也夏脉太過則病身熱膚痛為浸淫 運氣皮膚痛皆屬火邪傷肺經云少陰在泉熱淫所勝病寒熱皮膚痛少陰司天火淫所勝熱上皮膚痛少陰之復效皮膚痛治以諸寒是也



反膚索澤即仲師所謂皮膚甲錯蓋皮膚澀而不滑澤者呈
三陽為病發寒熱其傳索澤註云索盡也精血枯涸故

皮膚潤澤之氣皆盡也運氣皮膚索澤屬燥傷膽氣經

云陽明在泉燥淫所勝病體無膏澤治以苦寒也仲師

云五勞虛極羸瘦腹滿不能飲食食傷憂傷飲傷房室傷

饑傷勞傷經絡榮衛傷內有乾血肌膚甲錯兩目暗黑緩

中靖虛太黃虛五九主之服緩中補虛藥兼服此丸效有微熱煩滿胸中

甲錯是為肺癰尺膚粗如枯魚之鱗者水泆飲也

髮髮

髮長髮衰女子無鬚具詳內經經云腎者主蟄封藏之本

精之處也其華在髮腎之合骨也其榮髮也多食甘則骨

痛而髮落巢氏病原云足少陽膽之經其榮在鬚足少

陰之經其華在髮衝任之脉為十二經之海謂之血海其

別絡上脣口。若血盛則榮於頭髮。故鬚髮美。若血衰弱。經
脉虛竭。不能榮潤。故鬚髮脫落。鬚黃赤者多熱。多氣
白者少血。少氣。黑色者多血。少氣。美眉者。太陽多血。通
極鬚者。少陰多血。美鬚者。陽明多血。此其時然也。
髮落不生。東垣云。脉弦氣弱。皮毛枯槁。髮落黃。芪建
髮脫落。反臍下痛。四君子湯加熟地黃。

腋

腋謂臂下脇上際也。丹溪云。手足陰陽合生。見症曰腋腫。
外科腋下腫痛。用柴胡清肝散。腋氣。準繩亦曰狐臭。
有竅。諸藥鮮能除根。止堪塞竅耳。用銅青好者。不拘多少。
米醋調成膏。先用皂角湯洗淨。腋下以輕粉摻過。卻使上
件塗之。立效。

咽喉

經云咽喉者水穀之道也。氣之所以上下者也。會厭者音聲之戶也。懸雍者聲音之關也。準繩云咽與喉會厭與舌此四者同在一門。而其用各異。喉以納氣。故喉氣通於天。咽以納食。故咽氣通於地。會厭管乎上。以司開闔。掩其厭則食不下。掩其喉必錯。必舌抵上齦。則會厭能閉其喉矣。四者交相為用。缺一則飲食廢而死矣。

婁

全善云喉痺惡寒者。皆是寒折熱。寒閉於外。熱鬱於內。薑

汁散其外寒。則內熱伸而愈矣。切忌膽礬酸寒等劑點喉。

反使其陽鬱結不伸。又忌硝黃等寒劑下之。反使其陽下

陷入裏。則禍不旋踵矣。喉痺不惡寒者。及寸脉大滑實於

關尺者。皆屬下症。宜硝石青代等寒藥降之。或白礬等酸

劑收之也。韓祇和云寸脉小弱於關者。宜消陰助陽。寸

脉大於關尺者。宜消陽助陰。東垣云兩寸脉不足乃陽

咽喉

仁上之下

七十九

喉症



氣不足故用表藥提其氣升以助陽也。或三部脉俱小弱亦用其法。兩寸脉實為陽實，陰虛下之則愈。故予每用此法治急喉痺，如鼓應桴也。或三部俱實亦可用其法。婁全善云：洪武戊辰春，鄉村病喉痺者甚眾，蓋前年終之氣及當年初之氣二火之邪也。予累用甘桔湯加黃連、半夏、僵蚕、黍粘子等劑發之，按虛者加參、芪、歸、輩，水漿不入者先用雄黃解毒丸醋磨化之，灌喉痰出，便用生薑汁灌之，卻用上項藥無不神驗。若用膽礬等酸寒點過者皆不治，蓋邪鬱不出故也。

準繩云：天行之邪治必先表散之，亦大忌酸藥點之。寒藥下之鬱其邪於內也。經云：少陽所至為喉痺。又云：少陽司天之政，三之氣炎暑至，民病喉痺。治宜桔梗湯。或赤玉者屬陽毒，宜陽毒諸方下之。經云：太陰之勝火氣內鬱，喉

宜半夏甘草桂枝戴氏熱壅三焦咽痛或喉中帶血
宜金沸草散佐以長砂化痰丸經云太陽在泉寒淫
所勝民病噤痛頰腫三因方用附子片塗蜜炙噙燕津甘
味盡更作或面青黑身如被杖者屬陰毒宜陰毒諸方汗
之

針治法治喉痺刺少商出血立愈孫兆治文潞公喉腫刺之
嘔出膿血升餘而愈全善治一男子喉痺於大谿穴刺出
黑血半盞而愈由是言之喉痺以惡血不散故也喉痺暴
者必宜刺血

外科正宗夫咽喉雖屬於肺然所致有不同者自由虛火實
火之分緊喉慢喉之說又咽為五臟六腑呼吸之門飲食
聲音吐納之道此關係一身害人迅速故曰走馬看咽喉
不待少頃也假如虛火者色淡微腫脉亦細微小便清白

大便利。此思慮過多，中氣不足，脾氣不能中護，虛火易至。上炎，此恙先從咽。嗑乾燥，飲食妨礙，咳吐痰涎，呼吸不利。斑生苔蘚，累若蝦皮，有如茅草，常刺其喉中。又如硬物，嗑於咽下，嘔吐酸水，噦出甜涎，甚則舌上白胎，脣生紫色，聲音雌啞，喘急多痰。以上等症，皆出於虛火元氣不足。治此不可誤投涼藥。上午痛者屬氣虛，補中益氣湯加麥冬、五味子、牛子、黑參。午後痛者屬陰虛，四物湯加黃柏、知母、桔梗、黑參。如服不效者，必加薑附以為引導之用。亦為佐治之法也。實火者，過飲醇酒，縱食膏粱，疊褥重衾，舖食辛烈，多致熱積於中。久則火動痰生，發為咽腫。甚者風痰上壅，咽門閉塞，少頃湯水不入，聲音不出。此為喉痺，緊喉風。喉閉是也。先用刺血，隨用桐油、錢雞羽探吐稠痰，務使痰毒出盡，咽門得鬆，湯藥可入，語聲得出，乃止。內服清

咽利膈湯，疎利餘毒。如牙關緊閉，難入，刺少商穴出，其

藥用搗鼻
管亦開

如針刺無血，探吐無痰聲，如拽鋸鼻，其

喘湯水不入，語聲不出者，真死候也。又有喉癰，喉痺，乳蛾，
土齶癰等症，其患雖腫，而咽半塞，半開，其病雖凶，而喉道
又寬，又腫，此皆標病，雖重無妨，當用金鎖匙吐出血涎，利
膈湯推動積熱，膿脹痛者，開之，損而痛者，益之，其患自安。
凡喉閉，不刺血，喉風不倒痰，喉癰不放膿，喉痺乳蛾，不針
刺，此皆非法。又有痰火勞嗽，咳傷咽痛者，無法可治。

醫宗云：胸膈上有風熱，則咽喉腫痛，風熱之邪若盛，則生單

雙乳蛾，在會厭兩傍，高腫似蛾，故名乳蛾也。熱極則湯水
不入，咽喉腫閉，語聲難出，呼吸不通，名曰喉痺。若熱極更
兼痰盛，則痰涎繞於喉間，聲響咽喉內外腫開，湯水不下，
名曰纏喉風，皆危病也。若痰涎壅盛，喉間內外腫開，湯水

難下。病勢危急。宜雄黃解毒丸茶清下七丸。便利吐痰則開。若昏冒牙關緊急。湯不能下。將藥用醋化開。十九用竹筒嚕入鼻孔。內直至喉中即吐。下其藥自開。

張咽候者左為咽屬胃右為喉屬肺乃一身總要百節開頭呼吸出入之門戶經云一陰一陽結而為喉痺痺者閉而不仁之謂有風寒火溼毒虛之別或風火相搏或寒暑相聚其症不一變幻不測如漫腫而多痰風也淡白而牙緊風寒也紫色不腫而爛者風伏寒也紅腫而脉浮者風火也脉沈實爛而不腫者毒也脉細數而浮者虛火也細緩者虛寒也風寒火溼毒虛象內推之可也大凡初起之症診右寸洪緊肺風也二關浮數胃火肝風也左寸浮洪心火也右寸沈遲肺伏寒也沈數者伏熱也右尺浮大而洪三焦火旺也左尺洪大有力者腎虛火也此數部脉大畧

言之可總用六味湯加減若凶險之症脉宜細診再察形窮源對症用藥自然可愈經云神聖工巧不過望聞問切以此推詳庶無差誤矣

喉症分經喉有二孔左為咽屬胃納食之關右為喉屬肺納氣之關口內上腭屬胃陰下腭屬脾陽舌之中心屬心四圍屬脾舌根亦屬心小舌又名帝丁屬胃喉之左右舌根屬肝外二耳垂下亦屬肝牙根上屬胃下屬脾舌白胎主寒黃胎主熱焦熱甚黑熱極凡舌胎不單論色但有津者非真熱也不可投涼藥宜引火歸源大舌邊乃脾火可用清涼之劑喉癰地位屬肝再連內寸許或爛或腫俱屬脾胃火毒之症結毒亦有之但二關脉浮者非結毒也沈者為真此分經大畧再考圖形便悉

咽喉要法

病人壯者藥可猛弱者攻宜緩

動針不可傷

小舌要緊 夜晚看症要細心藥用六味湯天明再加減
治至危不易識其纏喉風內外無形其患在關內上面
有紅絲如未入心尚可用藥已入心則不治如遇此症
乎早治若在一日半日之內治之可保無虞 至陰虛喉
癰如癆蝦皮形有青白點子高低大小其象如暑天瘡
其症雖危而日子最久或病一年或病半載或一月或半
月而死如起病在半月前治之十症可得九愈 看喉腫
處其色變紅者即成膿之候可不刺而自潰也 山查
為細末煎藥內可加一撮乃消腫去毒治咽喉之要藥
喉症秘集 內經云一陰一陽結則為喉痺一陰者少陰也
一陽者少陽也君火相火二脉共絡於喉氣熱則內結結
甚則腫脹甚則氣痺痺者不仁也此咽喉之所由名而
乳蛾喉閉纏喉風等症皆名之痺 大抵風熱者十之七

火症十之三寒症十無一二 醫者當審其病由參
令必須大湧其痰 去痰之法先備溫水使病人漱口
點刺或吹藥令其垂頭流去痰涎俟其痰涎少止仍以溫
水頻頻漱之 如虛弱人及病勢重者須要着人扶好或
用磁針刺其患處風熱則散之火症清之甚者下之陰寒
者則溫之若初起驟用寒涼之藥則上熱未除中寒後生
其毒乘虛而入即喘不休危不救矣

病昏沈痰多氣急飲食不進發熱不退牙關緊閉脈息微弱
者病勢必重

人事不醒痰氣上攻響聲如雷嗆食眼張天柱倒陷面黑色
焦鼻如烟煤張爛不定目睛突出汗發如雨咽喉乾痛聲
啞無痰手足麻至膝蓋發喘及呃脈息如絲乃死症也
症用藥生死反掌醫者不可懷希冀之心故意延挨病者

不可起懈怠之念以致決裂古云走馬看咽喉不待少頃者即此之謂也

遇症用藥後痰少腫退即愈如潰者用藥後越二日即可愈

食飲者三日可愈無不收功喉癰用藥後患處要變紅

色知痛癢有津液潤澤者可治用刀須向自己勾來

可向病人口內剔去咽喉忌下刀之地有四處

嚙化 啞門穴 喉關二均上 舌下根 若用針刀其

刀頭上須蘸已藥申酉藥庶不作痛看症先診其脉之

輕重而後看其患處若脉絕脉怪脉死則毋須用藥矣因

毒已入腹非藥力之能挽回也纏喉風及陰虛喉癰二

症最險而難凡針舌下二邊青筋血紅生血黑死

十六絕形 舌卷囊縮 角弓反張 油汗如珠 十指無

血 啞喉嚙食 喉乾無痰 吐血喉癰 六脉沈細

